



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU HRVATSKE ČISTE STRANKE PRAVA BOSNE I HERCEGOVINE

Broj: 03-07-6-159/14
Sarajevo, 27. mart 2015. godine

SADRŽAJ

MIŠLJENJE REVIZORA	3
1.UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske čiste stranke prava Bosne i Hercegovine za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuje pouzdanost koja bi se dobila izvršenom revizijom u prostorijama stranke.

Na osnovu obavljenog pregleda godišnjeg finansijskog izvještaja za 2013. godinu, utvrđeno je da je Hrvatska čista stranka prava Bosne i Hercegovine prekršila odredbe člana 11. i člana 12. stav (1) i (3) Zakona o finansiranju političkih stranaka.

Pregledom, odnosno kontrolom finansijskog izvještaja, nismo zapazili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske čiste stranke prava Bosne i Hercegovine za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska čista stranka prava Bosne i Hercegovine se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	40,00	2,17%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,02%
5	Prihodi od pr.lica (3-d)	0,00	0,00%
6	Prihodi od poklona (3-e)	1,85	0,01%
7	Prihodi iz budžeta (3-f)	1.800,00	97,83%
8	Prihodi od propag. (3-g)	0,00	0,00%
9	Ostali prihodi	0,00	0,00%
I	Ukupni prihodi	1.840,00	100,00%
II	Kreditno zaduženje kod banaka	0,00	0,00%
	Izvori finansiranja (I+II)	1.840,00	100,00%

U godišnjem finansijskom izvještaju politička stranka je iskazala ukupne rashode u iznosu od 1.938,00 KM.

2. PREDSTAVLJANJE POLITIČKE STRANKE

Naziv političke stranke je Hrvatska čista stranka prava Bosne i Hercegovine. Skraćeni naziv je HČSP BiH.

U registar političkih organizacija kod Kantonalnog suda u Livnu, politička stranka je upisana Rješenjem, broj: 010-0-V-06-000-006 od 17.05.2006. godine, pod nazivom Hrvatska čista stranka prava – dr. Ante Starčević. Rješenjem Općinskog suda u Livnu, broj: 068-0-F1-11-000 001 od 19.05.2011. godine promijenjen je naziv političke stranke, koji glasi Hrvatska čista stranka prava Bosne i Hercegovine.

Sjedište političke stranke je u Tomislavgradu, Prisoje, Bare bb.

Lice ovlašteno za zastupanje stranke je Tadija Ljubičić, predsjednik stranke. Predsjednik stranke je istovremeno i lice ovlašteno za podnošenje finansijskih izvještaja za 2013. godinu.

Prema podacima iz finansijskog izvještaja, Hrvatska čista stranka prava Bosne i Hercegovine nema niže nivoe irganizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske čiste stranke prava Bosne i Hercegovine za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Hrvatske čiste stranke prava Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Hrvatske čiste stranke prava Bosne i Hercegovine u periodu od 2008. do 2012. godinu, nakon čega su izdati izvještaji o pregledu sa nalazima revizije i mišljenjem revizora.

Nakon izvršenog pregleda godišnjeg finansijskog izvještaja za 2012. godinu, izdat je izvještaj o pregledu sa mišljenjem revizora u kome je konstatovano da nije zapaženo ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

5. NALAZI I PREPORUKE REVIZIJE

5.1. NALAZI REVIZIJE

Hrvatska čista stranka prava Bosne i Hercegovine nije ispoštovala odredbe člana 11. i člana 12. stav (1) i (3) Zakona o finansiranju političkih stranaka¹.

Na osnovu finansijskog izvještaja i finansijske dokumentacije koju je na zahtjev Centralne izborne komisije BiH dostavila politička stranka, utvrđeno je da ista nije uspostavila potpunu evidenciju o svojim rashodima, čime je prekršila odredbe člana 12. stav (1) Zakona o finansiranju političkih stranaka. Samim time što nije obračunala dio rashoda i nije ih iskazala u poslovnim knjigama, prekršila je odredbe člana 11. Zakona o finansiranju političkih stranaka, koji političkim strankama propisuje obavezu poštivanja računovodstvenih propisa.

Finansijski izvještaj stranka nije podnijela Centralnoj izbornoj komisiji BiH u skladu sa odredbama člana 12. stav (3) Zakona o finansiranju političkih stranaka, jer ga je sačinila na osnovu nepotpune evidencije iz poslovnih knjiga.

¹ U skladu sa odredbom člana 11. Zakona o finansiranju političkih stranaka politička stranka je dužna voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

U skladu sa odredbom člana 12. stav (1) Zakona o finansiranju političkih stranaka stranka je obavezna voditi evidencije o svojim prihodima i rashodima, a u skladu sa odredbom člana 12. stav (3) istog zakona, stranka je obavezna podnositi finansijski izvještaj u formi koju odobri Centralna izborna komisija Bosne i Hercegovine. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 96/13).

Hrvatska čista stranka prava Bosne i Hercegovine nije obračunala i u poslovnim knjigama i finansijskom izvještaju nije iskazala trošak niti obavezu po osnovu poreza i doprinosa na naknade isplaćene fizičkim licima u iznosu 1.800,00 KM. Politička stranka je isplatila naknade za tri fizička lica, u iznosima po 600,00 KM, koja su izvršila radove na adaptaciji općinskog poslovnog prostora, koji politička stranka koristi na osnovu Odluke Općine Tomislavgrad, broj: 01-02-461/13 od 21.03.2013. godine.

Politička stranka je bila obavezna obračunati i platiti porez na dohodak i pripadajuće doprinose, u skladu sa poreznim propisima², te po tom osnovu iskazati trošak u poslovnim knjigama i finansijskom izvještaju, koji je podnijela Centralnoj izbornoj komisiji BiH.

5.2. PREPORUKE

Preporučuje se Hrvatskoj čistoj stranci prava Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi potpune evidencije o svim rashodima stranke,*
- *da finansijske izvještaje podnosi u formi koju je odobrila Centralna izborna komisija BiH i*
- *da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH.*

Komentar

Hrvatska čista stranka prava Bosne i Hercegovine nije se očitovala na Preliminarni izvještaj o pregledu godišnjeg finansijskog izvještaja za 2013. godinu, pa je isti, u skladu sa odredbom člana 12. stav (4) Pravilnika o administrativnim procedurama pregleda, kontrole i revizije finansijskih izvještaja političkih stranaka postao konačan.

Šef Odsjeka za revizijske poslove

Sanja Tošović

Šef Službe za reviziju, revizor

mr.sc. Hasida Gušić

² Zakon o porezu na dohodak ("Službene novine Federacije BiH", br. 10/08, 9/10, 44/11, 07/13 i 65/13) i Pravilnik o primjeni Zakona o porezu na dohodak ("Službene novine Federacije BiH", broj: 67/08, 4/10, 86/10, 10/11, 53/11, 20/12, 27/13, 71/13 i 90/13)